

Zeitschrift: Nebelspalter : das Humor- und Satire-Magazin
Band: 93 (1967)
Heft: 5

Rubrik: Am Hitsch si Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation




L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>



Um Hitsch si Mainig

Hütt khöört ma übaraal vu dar Pruafsberootig reeda. Khai Maitli und khai Buab sötti mee a Schtell aaträtta, ooni daß as vum Pruafsberootar odar vu dar Pruafsberootari teschtat wordan isch. Jo, üüsari Juugand wird sogäär in Schnupperlehra gschickt, darmits uusprobiara khönnand, wella Pruaf na schpöötär passa khönniti.

Dia Pruafsberootig isch nüüt wärt. Ha! Dar Hitsch schpinni jetz khompleet? Nai, sihhar nitta. Wenn a Pruafsberootig a Wärt hetti, denn wääri beim Bundasroot dooba schu lang a Pruafsberootar iigschellt worda. Dar säbb hetti denn noch da Waala dia Härra Bundasröt zteschta und teeti noch dar Befähigung dia varschiddana Tepartament vartaila. Well abar üüsari hoohha Sibba ebba aanschiinand im Glauba sind, a Pruafsberootig hej khai Schpitz, khüngalands dVar-tailig vu da Tepartament sälbar uus: Dar Anschinöör fummat in da Finanza ummanand, dar Obarscht macht im Varkeer und dar Finanzfachmaa muasß goo militäärла. (I glauba fasch, nu üüsara Ussamini-schтар isch am richtiga Platz. Uff jeeda Fall isch är bald mee im Ussland als dahai. Das teeti mii abar nitt schtööra, denn zKuala Lumpur ischas sihhär glättar als zBärn.)

Nai, üüsari Härra Bundasröt hend aifach khai Fingarschpitzagfüöl. In allna Zittiga, im Nazional- und im Schtenderoot isch darvoo gredat und gschriffta worda, daß am nöüja Bundasroot, am Härr Tscheelio, entwedar d Finanza odar dar Varkeer und d Enärgii müassi ggee wärda. Für dia baida Tepartament sei är uusgwissna Fachmaa und hütt müassi ma aifach uff dia schpeziella Fähikhaita vu da Bundasröt luaga. Abar was hend dia Härra beij dar Uuswaal gmacht? Sii hend gancienitätlat! Wia wenn miar no zmitzt im nüünzähhata Joorhundart dinna wäärandi. Wär zletscht gwäält wird, soll nee was übrig blibbt. Aprä nuu lö delüusch odar susch a Militäärtepartament! Nai, si hend khai Fingarschpitzagfüöl. Odar halt – miar khunnt as-was in da Sinn. Villichtar häts im Bundashuus doch a Pruafsberootar. Und därsäbb hätt gsaid: So, miini Härra Bundasröt, zeersch mahhand iar amool a Schnupperlehrer und denn tüand miar denn dia Tepartament richtig vartaila ...